

მატრეიალური შრეები.

ეხოთერულ სამყაროში, ადამიანის სხეულებზე, სამყაროს განზომილებებსა და შრეებზე უამრავი სხვა და სხვა სახის ინფორმაციაა, განზომილებებს ყოფენ ჩაკრების მიხედვით, სიხშირეების მიხედვით, ზოგი ამბობს რომ პრანა(ენერგია) ვლინდება მხოლოდ 7 სხეულში ზოგი უფრო მათეულად ამბობს რომ 9_ში ვლინდება. მე კი ვიტყვი, რომ უბრალოდ ყველგან ვლინდება სადაც ვართ და მსგავსი შეზღუდვები არაფერს არ მოგვცემს. ვიღაცამ საკუთარი შვიდი სხეული გააცნობიერა, ვიღაცამ ცხრა, ეს არ ნიშნავს, რომ არ არსებობს, მეათე ან მეთორმეტე. ამასთან აზრს მოკლებულად მიმაჩნია ისეთ ნატიფ სიხშირეებზე საუბარი, რომლებიც რთულად მისაღწევი და გასაცნობიერებელია, რადგან ამაზე ამ ფორმით საუბარი მხოლოდ და მხოლოდ თეორიულ ცოდნად დარჩება დიდი ალბათობით და უფრო მეტად გამოიწვევს გაურკვევლობებს ვიდრე სასიკეთო შედეგებს. ვფიქრობ ამის ნაცვლად, საბაზისო, შედარებით ადვილად აღსაქმელი და ხელშესახები სიხშირეების და შრეების შესახებ ვისაუბრო. ამიტომ არ ვისაუბრებ კაუზალურ ბუდჰანურ ან ატმანურ სიხშირეებზე, რადგან თავადაც არ ვიცი ნორმალურად და სხვისი შეცდომაში შეყვანაც არ მსურს. როგორც უკვე ვთქვი არის ლიტერატურა და არიან ადამიანები რომელბიც ამაზე საუბრობენ ხმამაღლა, თუმცა, მე პირადად ვერც უარყოფ და ვერც დავეთანხმები, ისევ იმაზე ვისაუბრებ რაც ასე თუ ისი გააზრებული და გამოკვლეული მაქვს პირადი პრაქტიკით.

პირველი სხეული რაც ადამიანს აქვს ეს ჩვენი ფიზიკური სხეულია, ფიზიკურ სხეულს აქვს თავისი ენერგეტიკული, ფიზიკურიდან ნაწარმოები გამოსხივება, რომელიც ხშირად ერევათ ეთერულ სხეულში, ეს ის გამოსხივებების რომელიც შემჩნეული გექნებათ ერთფეროვან ფონზე მდგარი ადამიანის გარშემო, თითქმის სხეულის ფორმის კონტურად რომ ჩანს. მართებული არ იქნებოდა გვეწოდებინა ამ გამოსხივებისთვის ეთერული შრე რადგან ამ შემთხვევაში, ნათურის მიერ გამოსხივებული სინათლეც ეთერულ შრედ უნდა განგვეხილა. ამ შრეს აქვს საკმაოდ სასიკეთო დანიშნულება ადამიანზე, თუნდაც დიაგნოზტიკისთვის, ეს არის ერთგვარი გამოსხივება ჩვენს ფიზიკურ სხეულში მიმდინარე ბიოლოგიური და ქიმიური პროცესების შედეგად წარმოქმნილი მაგნეტიზმის, რაც უფრო ჯანსაღია ორანიზმის, მით უფრო ძლიერი და პროპორციული მაგნიტური ველი გააჩნია, ეს დამოკიდებულია პირველ რიგში, მის რაციონზე და ცხოვრების წესზე, თუმცა რა თქმა უნდა გავლენას ასევე ახდენენ უფრო ნატიფი შრეებიც. ადამიანის მეორე სხეული არის იგივე ეთერული სხეული. ფიზიკურ და ეთერულ შრეებს შორის არ არსებობს მკაფიო საზღვარი, შესაბამისად ეს ორი შრე ფაქტობრივად ერთ ორგანიზმად მუშაობს, ეთერულ ენერგიას ასევე უწოდებენ ბიო ენერგიასაც რადგან სწორედ ბიოლოგიური ენერგია ინარჩუნებს ადამიანის ეთერულ სხეულს ფორმაში. მაგალითისთვის რომ ავიღოთ, ისეთი პრაქტიკები, როგორიცაა სიხმართხილვა, ბიო ენერგო კორექცია, ჰიპნოზი და ასე შემდეგ, რაც უშუალო კავშირშია ადამიანის ფიზიკურ სხეულზე ზემოქმედებასთან, პირდაპირ კავშირშია პრაქტიკოსის ფიზიკურ ტონუსთან. მაგალითისთვის, ასტრალური და მენტალური პრაქტიკოსების უნარიანობა ნაკლებად არის დამოკიდებული ფიზიკური სხეულის მდგომარეობაზე, თუ დავაკვირდებით, გარკვეულ იოგურ თუ მონასტრულ სწავლებებს სადაც ფიზიკური სხეულის პრიორიტეტებში უკან გადაწევა ხდება. დავინახავთ, რომ ადამიანები შესაძლოა დღეების

ან კვირების მანძილზე არ იღებდნენ საკვებს მაგრამ მაინც ახერხებდნენ უნარების გამოყენებას. თუმცა იგივეს ვერ ვიტყვით ბიო ენერგეტიკით მომუშავე პრაქტიკოსებზე, რადგან ბიო ენერგიის ხარჯვას აუცილებლად უნდ ამოყვეს მისი შევსება, ეს კი ძირითადად ხდება, საკვებით, წყლით, ჰაერით და სხვა ადამიანებთან ურთიერთობით. ასტრალური სხეული ადამიანის მესამე სხეულად ითვლება, ეს შრე არის ემოციების, ხატ სახეების, წარმოსახვების, სურვილების შრე, თავის მხრივ ასტრალური შრე იყოფა არაერთ შრედ, თავისი სიხშირის მიხედვით, ასტრალური ენერგია შედარებით უფრო ნატიფია ვიდრე ბიო ენერგია, ეთერულისგან განსხვავებით მას ნაკლები კავშირის აქვს ფიზიკურ სხეულთან, სწორედ ამიტომ შესაძლებელია, ასტრალური მოქმედებით, ობიექტისგან დისტანციურად დაშორებულ სუბიექტზე ზემოქმედება. მიუხედავად იმისა, რომ ეთერულთან შედარებით ასტრალურ სხეულს ნაკლებად მკვეთრი კავშირი აქვს ფიზიკურთან, ასტრალურ შრეზე არსებულ ადამიანის სხეულზე ზემოქმედებას მაინც მკაფიო გამოვლინება აქვს ფიზიკურ სამყაროში. ალბათ გაგიგონიათ სიტყვა აურა, ეს ასტრალურ შრეზე არსებული ადამიანის ემოციური სხეულის ენერგოველია, ემოციური ველი, ხოლო ბიოლოგიურ ორგანიზმში მას ფიქსაცია აქვს მზის წნულის არეში, სწორედ ამიტომ ასტრალური თავდასხმის დროს ადამიანი გრძნობს დისკომფორტს მანიპურა ჩაკრას არეში, ასტრალური დაზიანებების შედეგად პირველ რიგში ზიანდება ამ არესთან დაკავშირებული სასიცოცხლო ფუნქციები და პირიქით. ამ შრეზე დაბრკოლებას ნაკლებად წარმოადგენს ფორმა და სივრცე, შესაბამისად საორიენტაციოდ პირველ პლანზე გადმოდის შეგრძნება იმ ემოციების თუ რა ემოციებითაა გაჟღენთილი კონკრეტული ასტრალური შრე, ადილი თუ ადამიანი. ეს სხეული, მატერიაში, წარმოადგენს ერთგვარად ძალის და თავდაცვის ცენტრს ადამიანისთვის, შედეგად განაპირობებს მისი კონკურენტუნარიანობას გარემოში.

მენტალური სხეული ადამიანის ყველაზე მაღალვიბრაციული მატერიალური სხეულია, ეს ერთგვარი აზრობრივი სფეროა, რომელიც შექმნილია ადამიანის ცნობიერის მიერ, უფრო კონკრეტულად რომ ვთქვათ ეს არის ადამიანის ფსიქიკა. ამ შრეზე ძალიან ბევრი რამის თქმა შეიძლება მაგრამ ყველაფერი იმდენად ინდივიდუალურია რომ ვამჯობინე ზოგადად გამეგლო ეს საკითხი. მენტალური შრეები ეს არის კოლექტიური იდეებით, აზრებით, ჰოლოგრამებით... სავსე სივრცეები, სადაც სიხშირეების მიხედვით, შრეებზე არის განაწილებული მთელი ეს ინფორმაცია. მენტალურ შრეზე არსებულ სხეულში ყალიბდება ადამიანის პიროვნული და კუთვნილებითი თვითიდენტიფიკაციები, წარმოდგენები, იდეები, რაც შემდგომ უკვე რეალიზდება ანუ გამოიხატება სხვა სხეულებსა და სივრცეებში. მენტალურ სისუფთავეს ფაქტობრივად ყველა ავტორიტეტული სწავლება უსვამს ხაზს, რადგან ეს შრე წარმოადგენს გარდამტეხ საზღვარს სულიერსა და მატერიალურ განზომილებებს შორის და რადგან მენტალური სხეულია პასუხისმგებელი სულიერი განვითარებისთვის უმნიშვნელოვანეს ასპექტებზე, როგორიცაა ფსიქიკა, კონცენტრაცია, ცნობიერება, პიროვნება.